

戊戌六君子遺集

三

蘇子學

PDG

晚翠軒集目錄

龍王洞

題三游洞

還家題齋壁

再題

寄梁節庵武昌

宿張侯府

南鬧市口小寓

新濟輪船逢續九丈和余宿侯府

詩感其辭尤哀更答之

閔月湖荷花

宜昌城南有漢景帝廟

暑夜泛姜詩溪

節庵來江南久不見作長句代簡并訊叔嶠三丈

北行雜詩

叔嶠印伯居伏魔寺數往訪之

約游西山會文學士宅聞和議成學士憤甚余輩亦罷去

旭莊四丈公事往漢口有詩留別

感秋

病起漫書

效太夷丈

感事

八月十五夜呈陳馮庵

索桂花家人不與

與方慕韓

寄題宜昌姜孝巖濤園外舅所作

亭子

重九出游既夕泛舟秦淮見月

逃席

堂子巷鄭七丈宅小樓

九月十六日雪和馮庵

是日寒甚

節庵送鍾山書院祭肉賦謝

靈澤夫人廟

太夷丈屬和其移居詩逾歲乃呈一絕

張園梅花

無題

申前意呈石遺

虎邱道上

二月十八日讀史

寫經居士贈詩盛道閩派而病予

爲澀體謂學蕪湖袁使君因答及之

往歲鄭太夷丈居江南督幕賦枇杷詩絕愛之頃來大通督銷局

所見殊夥欲去乃題此 馮庵先生日成數詩輒呼予視之

叩馮庵門就睡矣誦一律使予書之和作

題陳公寬小照

荷葉洲雜詩

將去大通久雨始晴治詩就畢

舟中讀誠齋詩

馮庵移居穿虹濱以詩賀之是日

四月八也

日本繇牋製畫殊有古意

自穿虹濱步歸王家庫書所見

見月有感

兩夜醉歸

懷仲奮

所居草樹特盛

相知行

和人觀張園車馬

兩至

偶得舊紙扇是往年柳屏義門所

寫題以寄之

蝶二首

絕句三首

述哀

得三叔父書

柳屏在寧波度其必過此得書已

歸太倉矣因寄

柳屏問刻詩

攜詩視石遣出門爲風吹去屬有所思竟弗覺也

所居往高昌廟路上作

張園呈石遺卽效其體

和友人韻

海西庵東偏小院梁伯烈榜曰藏

山伯烈二年不歸矣

露筋祠

清口舟中

高堰晚泊

敍舟中往復詩

河柳

臘梅

龍仁陔方伯挽詞

拔可言某寺有鶴又有臘梅荒城得此足珍也

鹿港香

二月三日出遊

戲贈拔可

正陽關孔子廟詩

拔可將以三月歸閩贈之

和馮庵

花朝飲散

和馮庵三月水仙花

赴飲沫河大雨夜歸

卽目與拔可

拔可束裝再贈之

南塘詩三首 并序

南堤桃花

送春擬韓致光

四月雨

贈周少蕃

贈別三彌彥侯歸試

坐月與歸試二君

牆下金絲蝴蝶一本馮庵移理之開花予爲賦詩

友人送末利栽之謂不活矣近漸有萌牙祝之

窗前細竹

和馮庵十五日晏起澗園扣門之

作

馮庵詩云軒於晚翠早劬書

和外舅剪花之作

和兩先生諷早睡之作

石榴請馮庵作詩

讀外舅石榴詩因述

外舅哀餘皇詩題後

述祖德詩

申報送至馮庵相次成詩

六月初一日

初三日呈馮庵

初四日

先師陳幼蓮觀察遺文綴言 留別馮庵

謝馮庵榮羹 客有詢幼蓮師世兄者書憶

留別南堤 與熊子嘏

馬房溝 洪澤湖遇風

與石遺大興里飲罷過宿有歎

洋涇橋與太夷丈對月 滬寓卽事

張園同旭莊四丈 舟行一首

上海胡家開茶樓 還福州海行二首

其二 福州寄內

八月十四夜拔可宅中露臺 與拔可別後却寄

再寄拔可並訊仲奮 寄陳仲奮

丁酉九日泊舟煙台寄鶴亭二首

呈黃太守國城

隣鶴吟

代書與里中親友

戊戌元日江亭卽事

同陳清湘飲唐沽酒樓

寄內

同琴南拔可稚辛至雲栖題名而去

禮蓮池大師塔

答幼遐前輩示詞

直夜

呈太夷丈

頤和園葵花

獄中示復生

晚翠軒集

侯官 林 旭 嗽 谷

龍王洞

去城四十里戴石若茵菴空青落眼中塵翳盪先澹欲近勢轉下漸陟
路軻轉呀然數百尺金碧煙中嵌龍居洞裏潭激水洞上穆有如春雪
融清茗樓頭擊吾欲尋其源但怖水色黝山深積噓吸形埒氣所感稍
上有二洞松蔭蔽黮闇天光豁重昧風力集衆喊楚境清江流巫山白
日曛南望見苗疆五色莎蘿毯歸來誇腰腳獨往負志膽丈人談龍德
清味白淵醇弱年罕壯游如此寔未覽新詩誰先成巖松可用繫

題三游洞

閉門不看宜州山臨去還來訪窟顏聊欲向僧尋枕簟溪軒暫臥聽潺

潺

還家題齋壁

嘉樹殖有譽故都望生喜行人四月至夏雨灑芳圃最念手移梅旁出
芽如指海棠枝上蟲斑綠狀踈跂筍生不擇地廊陟石盡起治蕪理芳
草坐定青襲几南鄰荔支熟高繖張紅紫筠籠亦相及饑眼慰無俚去
年大雪寒實小酢如李

書聲諸弟好燈窗無隙地旋旋行復坐我自知何意登盤主簿果飽啖
萬事置赤嵌客亦還

五叔
附父

團團五日泊但言肥無加欣慰舉杯枰

少孤依大母西日追無驥夢歸見生存歡笑家人侍夢境不可尋歸日

卻涕泗

再題

相去常悲天一涯如今可是到家時畏人客子成何著耐向閒庭數日思

寄梁節庵武昌

高言不止衆人心折楊皇芩易爲音我見斯人每有得可知語上資堪
任眼中時賢願識少於水譬見瀟清深先生偉節風天下求匹于古非
于今寒泉舊井不自慚汲引後進猶鉤沈窺公性情寔至厚憂時念友
恆欽欽去年蘇州誅循吏王元高臺流水朱絃暗我今師喪重繭赴服
勤一念空差參感我遠行忘新歲招上湖樓邀客吟騁妍抽祕盈衆態
游心竄句費幾斟北海酒尊誰擎舉潁川公子相追尋嚴文伯明朝辭去
船下水回看大別春陰陰武昌三度食魚美宿留桑下慙精謔微館回
衍聲病澈撞鐘試可繩題襟

宿張侯府

幼遊師在廬

巡視空堂閱月移依稀曾是別師時半年行役思心切一慟空來侍疾

遲絕學千金成豈見人生三釜泊猶悲但憑兩夜彭城感

謂邵亭叔

試爲探

尋滿篋詩

南開市口小寓

二月長安捷戶眠幾多情緒放還牽寧知車馬喧喧度只聽風光晚晚

遷白髮四娘閑自得朱籠百舌巧誰憐天桃穠李皆同院寂寞無言伴

惘然

新濟輪船逢續九丈和予宿侯府詩感其辭尤哀更答之

先生髮白不鬖鬖心緒千頭老弗戡失第尙羞行卷謁無官終被小兒

慙天涯旅食惟身賴海上相逢各淚含我是哭師君悼友此情可許別

人語

閔月湖荷花

閔遊爲林昭通撰

月湖六月南風吹紅裳翠蓋浮漣漪昔聞其語今見之眼前反覆人得
知壯夫腰鎌方縱意漁父拏舟自垂淚哀哉斬艾不自保紛紛載去如
束藁風水之說詎有憑邦人波靡誠可憎花神伉爽愬炎帝妖氣天關
反見擠蒼蒼豈必矜君子我懟禍端由自取中通外直得之性蒲稗雖
多何足競一朝讒口巧中傷坐令喪氣及羣芳藏山居士倘見此爲爾
痛哭摧肝腸

宜昌城南有漢景帝廟

城南漢景祠鬱鬱依大栗婆娑舞巴童迎神激清瑟普土皆王臣瘴陬
猶薦苾惟王禘其祖禮先所自出漢王郡國奉禋祀我疑章武日孔明

禮樂材斟酌得疏密儒生許孟輩會議想奮筆惜哉無史官憲章坐散
逸累思此僅存取證諒難必

值亭觀後此地東壩成
孫休廟識久訛為漢也

暑夜泛姜詩溪

清溪十里幾多盤收束將窮卻放寬山要攔人攔不住側身讓過乞人
看

擊汰聲齊力未孱扁舟催進幾灣灣我們冠者偕童子只有篙師束手

閒

大家莫把仙源說那有仙源到兩回昨日好山撐不近明宵須換小船
來

橋柱孤栽細石平相將上去臥縱橫不防山賊防洋鬼犬吠兒啼鑼亂

鳴

本來沙路有人行
溪水長乾江水平
過去中元游十日
中秋毛水月空明

節庵來江南久不見作長句代簡并訊叔嶠三丈

街頭大雪一尺餘
相思不見不怨渠
先生東門種茹蘆
條然不異山中居
憂時百念弗一攄
却緣病起心眼舒
行將徙宅通明車
載來家具一半書
可許借讀資鈔胥
南村舍人復何如
西山載酒寧忘諸

北行雜詩

楊村一夜兩張灣
三尺泥向來戎馬迹
能畏鷓鴣啼
東風復北風
廣野號衆竅
豈無白日光
吹土翳清晝
屯幕臨官道
柳陰臥橐駝
莫將笳鼓競
空唱天山歌
客店驟馬浪
公徒何振振
皆言防帝畿
那復愁行人

絕似烏龍潭陂池相映帶可惜好西山蹉跎斜日外
道旁千萬柳能作幾多春明歲還如此行人非去年

叔嶠印伯居伏魔寺數往訪之

窗外丁香玉雪色窗下兩生坐太息可憐太息空爾爲舍人縣令官秩
卑朝出空遮御史車莫歸還草相公書宗廟神靈三百存卽今將相未
無人言戰言守言遷都三十六策他則無深宮追念先朝痛根本關中
敢輕動擲鼠忌器空持疑餒虎割肉有盡時書生不自有科第能爲國
家作麼計東家翰林盡室避猶聞慷慨排和議

約游西山會文學士宅聞和議成學士憤甚余輩亦罷去

都言踏破西山石

部讀下破有西山

此山我望西山勢不行爭怪憂時文學士但

看煙翠亦何情

旭莊四丈公事往漢口有詩留別

莫遣吟詩鼻易酸客懷好逐看江寬居人猶覺心情惡六月西風雨作

寒

晴川虛閣記崢嶸未忘將軍醉客情門明今常已形略述前游發長歎應

知芳草繞塔生

月湖荷花千頃生摧殘人豈是無情憑君爲勸今年狀他日還書寄一
聲

感秋

清晨負手行蟋蟀鳴我門因知秋氣厲感此悲流年病夫日掩戶一月
不窺園頗聞梧桐樹飄葉聚其根歲寒皆黃落而汝胡爲先我將種長
松不與時推遷小庭數盆花青青亦堪憐但覺淒清意莫向西風前

病起漫書

耳目與口鼻不思何錄錄苟能得其養心亦卽快足四者彼何知惟心
寔有欲所以養心者必先此四族愚奢厚自奉反以滋垢黷一鳥能遺
音豈必奏絲竹一花可慰眼豈必陳綺縠誦詩味芬芳聞香氣清淑頤
略信靡窮我亦我能憺

病後關門趣自深天明卽起似幽禽食單寂漠添鄉思詩句頽唐趁倦
襟檢點舊書看復放商量佳客遣相尋更欣秋月光輝足不惜窺窗夜
夜臨

效太夷丈

松生依澗谷上爲干霄枝搖落尙不與繁華豈嘗知

感事

昔人治國戒察察，
察察難繼寒耳冕。
前旒聰明蔽近不蔽遠，
肘腋往往藏奸謀。
水清無魚信所鑿，
網漏吞舟亦可憂。
賢人君子常不悟，
一朝負敗爲身尤。

八月十五夜呈陳馮庵

今宵月慰一年願，
滂沱潰作秋光曼。
中庭桂樹亦何有，
桁格交橫雜籐蔓。
無言清影自徘徊，
便覺玉塔寒未遜。
幽居兀兀忘時日，
佳卽讀書飢呼飯。
偶然吟咏但自適，
馮庵老人論契券。
清狂值得病魔訝，
稍稍去之不余恩。
感渠夜夜來窺尋，
爲洗從前幽獨恨。
應須一字論一縑，
始抵婢娟價。
千萬老人老去詩，
律細漸有少年笑。
才鈍我今此事當推誰，
立待揮毫寧用巽。

索桂花家人不與

誠齋詩句要商量儘道春花豔未強誰識維摩病居士不應聞取木樨香

瓶裏花空意自存節庵懲恙手書煩誰人憐我雙眸倦推出天邊白玉盆

與方慕韓

我始就傳出君寔連牆居同年一月小共學兄弟如先生君長兄愛我常並譽太翁白髮健攜我坐牀敷分甘預一割錦紳再拜趨不見八九載誰謂同州閔樂羣日可數在遠迹愈疏言念小秦君欲從治漢書今我不強學殖落殆成樗見日撫手怵口喏窮須臾聞君秋當婚孟姜瓊瓊登高鶻新詩緣情故自殊風流老司馬浦小厚子意有餘放衙接佳語探懷出明珠恨恨身萬里藉問何止正

寄題宜昌姜孝巖濤園外舅所作亭子

夢見孝巖蘿樹青
偃松聞已化龍形
宜州近日添新語
一郡游人上沈亭

重九出游既夕泛舟秦淮見月

佳節心隨物色搖
出門四望未蕭條
新霜紅盡冶城樹
商略獨游畏路遙

人閒別自有嬋娟
平視誰曾見月圓
與我共安喧裏寂
更無人賞亦憐然

病髮絲絲隨葉落
客懷漠漠借船眠
鏡中原著通明我
多事看成徹兩邊

逃席

逃席原無仇餉情向來意興寔縱橫登樓自借清宵賞不飲甘當惡客
名蟲穴書明驕月亮烏搖林動誤風生歸途此物猶堪念塘水荒寒野
蛤鳴

堂子巷鄒七丈宅小樓

東山莫靄堆沈墨西崦殘霞畫格黃併入小池兩邊色分明圖畫畫難
詳

九月十六日雪和馮庵

玉琢參差銜瓦明風吹塊重墜還輕不逢閏歲交冬節若話家山感客
情馮庵詩有紙牆下空尊眠自冷塔前殘菊壓都傾道人縮手看難足
卻笑冰寒鏤不成

是日寒甚

中庭滴瀝雨交并
虛室來風色更瑩
卻憶誰家樓上好
稍晴要看玉崢嶸

鼻涕知寒拭更流
團蒲曲几道相謀
難從羔酒求風味
空廢持螯數日游

節庵送鍾山書院祭肉賦謝

無由陪祭從門生
逮賤分嘗感盛情
一一斯文斯道寄
有神尙冀錫聰明

靈澤夫人廟

故國何人與奉匱
竹竿從此釣於淇
韋昭吳史應書卒
不見春秋宋伯姬

太夷丈屬和其移居詩逾歲乃呈一絕

明 卷 車 集
窗前種竹經年活舍後栽花近水便占著青溪如谷口百般忙裏作神仙

張園梅花

張家園裏數株梅歲歲相逢總盛開花上盈盈歌一闋風前豔豔酒千杯芳波照影知誰見斜日攀條却獨來眼底風光渾不是一回思念一回灰

無題

海上今年二月寒出門何地有花看思先清曉車輪轉意共黃昏燭本闌世界愁風復愁雨肝脾爲苦亦爲酸東隣巧笑頻相訝倚柱哀吟故未寬

申前意呈石遺

流水游龍去等閑同車惠我待君還王官行李愁奔命胡婦燕支笑破
顏宿雨反風寒作雪高樓含霧遠如山縱然沾醉憂能入不及逃虛日
掩關

虎邱道上

吳人豔說山塘好不到山塘恐受欺向日搜尋無一字却來此地得新
詩

願使江濤蕩寇讎啾啾故鬼哭荒邱治 晉 千 人 用 界新愁舊恨相隨續舉
目真看麋鹿遊

二月十八日讀史

韓誅彭醢瞻言漸東海蕭生致可憂但有太師馭邊手門生何術更吹
求

寫經居士贈詩盛道閩派而病予爲澀體謂學蕪湖袁使君因
答及之

夫子論詩笑口開叨逢目色却低回涪翁不忘絃歌旨杜老誰區排比
才底用爲藩防楚舍更羞酌水溯強臺似聞辛苦膩顏恰要傍東家司
寇來

往歲鄭太夷丈居江南督幕賦枇杷詩絕愛之頃來大通督銷
局所見殊夥欲去乃題此

荒洲風物見枇杷青實茸茸指有加欲傍小軒題晚翠已成昨日憶天
涯

馮庵先生日成數詩輒呼予視之

閉戶空參曹洞禪從人噴勸樂吾便詩題滿眼渾無字那對先生萬斛

泉

頃刻催成紙面花
咿唔喚起筆閒霞
撚鬚自向鐙前讀
想見潘郎果滿

車

隨舟芍藥伴詩翁
更盜醪釀陽虎東
冷淡生涯人四箇
誰家翠幕覆重

重

三詩均有本事

叩馮庵門就睡矣
誦一律使予書之和作

詩翁不慕酒中僊
貪把深杯取易眠
燈下杜鵑對嬌絕
椀中葍葉飲冷然
是他魔著難成夢
媿我牆窺但及肩
說似誠齋吾亦允
心頭約略識清妍

題陳公寬小照

紅袖滿樓同醉日
要論僧舍讀書時
相看一笑知身世
煙柳斜陽景付

誰

荷葉洲雜詩

雲繞青山山繞江一洲中著四淙淙登樓忽憶青龍閣江立一島小壘局清

景原來亦有雙

新建方勳中丞詞中唱賣鹽雕鐫荷葉我猶嫌只從和悅渠儂語士為人知音

悅春盡潺潺不捲簾嘗來見此月未

九華見說春茶盛新摘毛尖一日程慰我窗中吟望意風生兩脇即飛

行

依然天際識歸舟落日荒山柱礎稠足底江流似裙帶何人朱字寫空

侯禮山磯改作顯非其藝

將去大通久雨始晴治詩就畢

一春不恨不曾晴
晴去荒洲作麼生
今日肯晴寧有意
可知天也速人行

詩無數首邨言刪
吟到三年豈便安
早日何曾知句法
旁人謂不費心肝

君看象教但塗金
法教誰知箇裏深
我爲世尊還白淨
何方能免一塵侵

舟中讀誠齋詩

裝中一卷荆溪集
拂拭船窗得暫披
不道霞光侵漆几
忽看赤鯉出清池

馮庵移居穿虹濱
以詩賀之是日四月八也

碧雞光景日迷離
白韃山梁翔集時
桃印施門須溼字
商量端合署鍾

馮

薄薄猪肝要自供先生約法竈君從今朝有喜何人共酌酒西頭壽士

龍

石遠生日

法王降世恆星隱詩老移家氣象干添與今朝作故事可知位力一般

客牕共咏枇杷樹風味依依故可思此後詩成馳急足便令辟重也嫌
遲

馮庵三益里中徑无悶四條巷裏春定識寫經居士葉無窮詩句出清
新

日本繇賤製畫殊有古意

擣繇爲質繭爲膚小景精工俗製無春淺桃花輕著粉江寒鳧影婉將

雖法傳撮摭書原好字盛迦盧用自殊玩好故知能弱國從人畫革亦
區區

自穿虹濱步歸王家庫書所見

歸路幢燈火始然長街過雨步輕便本來高柳黃塵地誤入桃花薄暝
天鳴鏑場開承淺草留犁酒繞滴清泉獸旗飄颺知何世辟地還從受
一塵

見月有感

一餉攪林聞浙瀝幾時瀉地踏晶寒指頭儘有千幢現雲裏惟將一盞
看地曠蛙聲來鼓吹池深葦影窟盤蟠太陰圓闕干渠事却笑盧仝淚
不乾

雨夜醉歸

桃蹊無語葉如幃
淞水東流翦不歸
時世畫眉將半額
春寒呵手不成圍
雨聲月色和同好
馬足燈光一併飛
只合騰騰隨俗去
休論西子與南威

懷仲奮

平生少交友
仲奮寔和唱
久別雖無書
夙意知不忘
近聞廢蒙楚
能復輕悼喪
一年作客三四歸
日暮高堂正爾望
好學深思世所希
蚤白已作星星樣
年來萬事况違心
難從問訊知何狀
故山兩溼梅子熟
憶否同看三峽漲
昏因洽比得相從
年家君是丈人行
豈惟共學事文句
更期適道正
軒向始君嘿嘿尙
自謙感我殷殷不多讓
深於訓詁作詞章
孫孔本朝相
頡頏篋中纂述今當成
只恐惡懷多廢放
懷君作詩不寄君
君見詩時增愴悵

所居草樹特盛

寄居嘉蔭託清圓商略無妨過夏天日出先明千葉露兩餘盡綠四圍
煙山中只異鱗鱗空鼻際常聞栩栩鮮明西學氣人所也比城南老居士閉
門抱甕樂真全

相知行

相如昔日家成都四壁獨具長物無若非文君夜奔往聘錢難借何論
逋鬱林女兒生照井青州公子識光景明珠百斛不與寶更退翹風作
房老書生窮薄不足道化爲鷓鴣啼芳草黃金在手失娉婷人生幾見
多財好樂莫樂兮新相知將新比故猶有疑佳人一去豈再得只有延
年語可悲

和人觀張園車馬

春去初添車馬狂
幔纓御者意揚揚
看街樓閣人垂手
過眼雲煙盞眩
光
趨趨散眠芳草
地盈盈歸去牡丹
坊難知此日園林
價莫轉詩人錦
繡腸

兩至

樹頂黑雲舒
忽白斜光一片化
瀚濛窗閒客子
卷書帙江上漁翁
收釣筒

初見白煙流碧海
俄還青葉繞紅牆
雷霆剩遣蚊虻寂
高枕眠過三日涼

偶得舊紙扇是往年柳屏義門所寫題以寄之

章臺拊馬當時物
不逐春歸柳色空
我友別來詩句舊
三年懷袖過秋風

蝶二首

暫借茅亭坐夕暉
被涯芳草水深圍
花香處處元無見
栩栩何來此地

飛

輕衫自愛樓頭立
團扇頻煩女手揮
車馬沸天燈勝晝
閒閒一蝶傍牆

飛

絕句三首

深藏歌舞翠簾垂
耳熟風柔遣得知
不望一斑疎處見
隄防捉去罰吟

詩

總被春歸愁勿聊
對他春鳥厭嘵嘵
情知吉語來何暮
除爲填成萬里

橋

大謝風流舉世傳
胡牀素髻坐翛然
看渠婉婉名駒子
已覺駸駸老輩

前

述哀

王公定安

海風吹夏寒閉戶聽瑟颯哀從靜中生有若井泉溢斯人王夫子白日
謝昭質哭寢忽幾時餘愴託簡畢昔歲客江寧閒居重九日高軒隆隆
過文場之魁率幼卑不敢見僮僕笑嚶嚶敦敦拈髭髭風雅意無匹揚
摧極古今頭紛而緒密百川秋灌河乃覩會歸一海內寶宋齋牙籤三
萬帙招我坐其中竟日常折墜巍巍文正公遺教爲稱述宗法司馬遷
文章綜事實學詩杜與韓萬化本六律私淑媿非才再拜心空咄別公
夷陵去千里風吹孰有美見山川嶺峯而滌汨行公鈎游處作詩附歸
駟中閒再見公鍾山雪花融客坐見小同髡髮垂如苗試文中學官鍾
愛時加膝願言此兒異老夫讓跨軼子昔年如渠定是更秀出昨日得

佳章開緘怵復唾子自求莊遠我已任藍華蹉跎兩儀遷悽愴九言卒
疚心音問寥極目邱墳窟平生良史才敘述紛四七古人貴報恩蔡邕
豈直筆國家權煮海爲治至纖悉歷載有成書辛苦見次比義與桓生
殊頗亦言民疾公卿雖不用退省初無失化行潁水清徹珮如私恤空
胎有夜猿淚盡血涓涓

得三叔父書

叔父歸鄉里我心日悠悠昨者寄書至惟其疾之憂跪讀三四遍涕下
不能收出門已三載倦翮樂暫休諸弟肯讀書但苦飢腸漉選官緣資
格爭席傷龍灑還如稻梁雁因風俟九秋衣食非粗足安作馬少游吾
黨二三子進取力所勩書問久不具愛我猶怨愆懷哉劉牢之字伯少
孤寔命猶扶將偕我母門戶枝相樛讀書成後進進雲路視何瞍操心病

明倫彙編
事類典
一
咯血新來可瘡不吾師楊夫子深用好學罕比儔漢書寫百過記誦如水
流窮經志不墮皓首誰見訓小夫擁臯比妄用相踉蹌近來鄉校議悅
若寐而睵遠惟循循意欲見皆何繇南齋千竿竹風來聲颺颺上有百
好鳥終日鳴啾啾去年防火道斬伐若去讎好鳥四飛去巡視安所投
向來憐惜之聞此心內抽今年新筍長庶幾復有鳩因聲問此君歲寒
盟可求

柳屏在寧波度其必過此得書已歸太倉矣因寄

隨俗蹉跎會而違坐才奔走寄聲稀徒勞設伏遮歸路不覺平明敵潰
圍

加減多君問短長閒人心力倦論量要知縣巷臙脂色便是江南時世
妝

柳屏問刻詩

自憐蚓語與蟬嘶百首煩人爲整齊
不畏仙官來攝取夜深疑有樹精啼

清風明月無窮物臨水登山自得之
萬里更堪經九折王良獨有轡如絲

攜詩視石遺出門爲風吹去屬有所思竟弗覺也

運乖只恐溝渠汚思至須防坑谷傷
緣汝癡猷卻無益不教建鼓覓通亡

所居住高昌廟路上作

坡陀迴伏車輪側田水清深樹色藍
忽憶天津二月道說他風景似江南

晚翠軒集

侯官 林 旭 墩 谷

張園呈石遺卽效其體

深篁傍水搖蛛網三兩拒霜照眼明
窮巷幽姿端可比秋風斜日若爲
情殘荷昔日看猶在遠客臨行思
自生且欲留詩常報禮仁人一序
敵
連城

和友人韻

錦車使者歸來晚霧閣雲窗又起家
楚岫夢回洵美矣漢宮望久詎非
邪君王自失河南地顏色能驕西海
花生不逢時尙傾國也將續命託
琵琶

海西菴東偏小院梁伯烈榜曰藏山
伯烈二年不歸矣

端坐能窮萬物妍
江波日日看洄漩
信知丈室維摩詰
得傍瓜廬焦孝
然賢守早亡
惟遠客山僧深閉
自安眠
枇杷千樹真過我
來值繁霜十

月天

先生許爲晚翠軒作記嘗兼山多枇杷樹當以軒屬我

露筋祠

篝火深宵叩廟門
拜瞻環佩自然尊
詩成不得誇神韻
只好從人笑鈍

根

山漁海鮑斥後

清口舟中

晴日張帆意自新
雨中牽棹力猶辛
垂楊不斷懷終古
白鳥相煩謝有神
土隴時逢燒甃地
客嘲眞作鯁煙人
騰騰枉自超江海
未識風輪勝

火輪

有錢雜買戲題
客舟中候風船

高堰晚泊

迎客都君風肅然楊舟澹淡夕陽天辨帆日下邊何闊覓港泥中腹漸
堅換蟹饒思須近市伐蘆生計羨連船寒灣水宿懷空渺豈有高人夜
扣舷

敘舟中往復詩

高遜作

勞者之歌事必傳天下今無征役篇飛輪絕轡不到處詩家物色天子
全淺娛居士今少年擣蒲屢負宵無眠吾投以機俄汨汨有如羣鮒湧
井泉頃刻百篇皆手寫誇詫兒女呼爲仙古云爲詩亦爲政主人脫穢
晴窗偏篇成波瀾湖水闊縱觀未己生雲煙李子鈍學諒如我蹇澀不
出亦可憐曉聞伐鼓聲淵淵有日無風夜不前岸上指揮逢豪首疑是
博士江村船

河柳

復艚水落自潺湲河柳青黃尙可攀圓月欲升先絢彩莫煙迴帶稍留
殷玲瓏疑有樓臺出寂漠惟看鴉雀還搖落物情但如此飄飄客子豈
能閒

蠟梅

雪壓黃茅淮水渾廢詩一月寂關門明窗小盃誰分餉初續江南斷後
魂

龍仁陔方伯挽詞

精力平生小物窮空餘丹旆返寒風黃泉袒括知迎母

太夫人

青史

循良合傳公火烈猶存輟春愛水清自勵斬芻忠我稽祀典勤官在不
訟甘陳昔日功

拔可言某寺有鶴又有臘梅荒城得此足珍也

寒洲春至還歸去只共僧房歲晚天一樹婆娑原不醉三更獨自恐無眠

鹿港香

拌和花香飄細細兩窗殘夢被驚回欣然援筆誇鄉物猛省今從異域來

二月三日出遊

新春瞥眼二月三棵耳喫完腹歷鹿

耳二月三日
如吃此

臥聞棚竅風叫鷓起

視牆頭雲走艦樞衣勉後二三子步出城門里五六黃茅白水冰始漸
桅木森森一極目風箏百尺拽河干有似牽船車轉軸空中閃閃鱗之
而誰知糊紙還縛竹淮南鷄犬尙升天東海魚龍定游陸妄憑噫氣上
叫譖不畏晴雷下追逐青雲仰首不自致託命長繩終媿媿高飛未免

日 2 車 多
丈夫慚何况瞻相多蹙蹙徘徊畏雨遂先歸貪戀無風還偃伏豈伊身
世猶寥廓坐念冬春客茲局牕前高下曬衣袴室中左右堆箱篋青氈
夢見草侵堦春色意生日照屋吾妻憶母祇嘆嗟我友攻文極彬馘笑
余度歲資唐史未夜先眠燭不掬何人郵致水仙栽無事燂湯日再浴
遨頭風味又若此藉口無令話孤獨馮菴先生亦不出肯和新詩粲盈
幅

戲贈拔可

崑弋名輩今已希秦腔三十年來尙高絃急板聲尤悲吹律微畏北風
颼空船老人丞王師侯生曲頗詳敘述知汎旺南人新貴五月仙北人自
喜天明亮嗟予快耳實非知止似文章愛奔放荒城作客樂官拙有耳
甘龔日甘瞭舍中無事絃索鳴堂上伊優誰最彊異哉李子爾何才獨

作烏烏能揣狀天生長頸必有謂日日羈禽轉哀吭自言師法極矜夸
似恃鄉愚恣欺誑搖頭頓足了不慙聽者頗亦嗤其妄我思此意正堪
傷寂寂誰能且復狂善書殿體必貴人行看飛去九天上不愁執笏作
參軍刺史簾前事吟唱

正陽關孔子廟詩

城頭簌簌風沙鳴城邊淡日連廟薨紅甍黃瓦制可識聞人稱謂殊莫
明宮牆大署微墮剝肅然瞻拜門靈星異哉州縣王命祀區區有此疑
非經黨庠遂序必有奉按諸古制良可行或云盜者構音音此說非無
徵盜亦有道頗附會禁云教令多經營包退地險擁鹽利周遭樓櫓終
朝成往往偽蹟未剗盡因知喜亂緣民情盜也嘗爲士士習襲狎瘳詩
書所不澤十逢九可憎至人堅白猶不享由矛求劍寧無靈官軍雖至

莫敢廢巡檢主祀無登餅南城駢闐禮天主老胡傳教像懸膺榻房舊
寺近修復梵唄經過時可聽徘徊廟下何寂漠鼯鼠飛殿草生庭通都
大邑豈異此啐酒禮畢門長扃差免園蔬與馬廄博士寒凍無薪烝我
思聖德如天地南郊有事享惟精誠當俎豆戒煩數何須祠宇論廢興
飲食必祭意固厚朝夕而奉禮反輕在人未墜苟有恃日月奚與燭火
爭世士矯誣百可笑拜跽但知利與名固宜志士慷慨起引臂疾呼寐
者醒去年海內興學會推原講習爲膺懲紀年上溯孔子卒見者適適
疑且驚過之而反中乃得不見措屋木引繩歸來伸帡書此意明朝不
復事荒乘

拔可將以三月歸闕贈之

李子少於我其才殊清美云何遭天酷心事如暮齒嗟我亦鮮民羨子

乃有恃子言憂寔深門戶方子倚有妹須擇郎有弟僅斷嬾全家待衣
食遠道謀甘旨孤生愴聞此不如子多矣作客得所依萬事如家裏所
欠體俱弱長者憂弗喜子有晨昏事歸路見桃李得歸歸亦悲我誠不
如子哀情展復收惟學語可紀自我始見子回顧已千里天資苟有餘
學問寧無底昔我有所爲微睨不謂爾子寔工爲文彬馘世莫比又復
善書翰得第卽太史天下藝固多安用窮人技我時喻其意漸漸道之
邇翩反頗多姿幡然忽自改年輩但相若下問曾不恥自嘆日皇皇與
子共憤排江西與西岷分別知避取古人雖去遙發篋一一在吾鄉今
陳先伯鄭太有作亦模楷當思膏與根韓公豈妄耳自得乃變化萬
象奔俶詭字句得失間固可助壤累我言日漸狂子色常甚踈卽今所
有者如林見蓓蕾吁吾憂道孤賴子能不忘作詩敍區區惟以永相矢

如或傳示人嘻嘖必棼起高識幸不搖陋體任成瘠子如謂我非焚灰
擲流水

和馮菴

踞觚寂寂先生老
齧指由來巧有餘
能作千門萬戶者
不妨堂上拜公
輪

花朝飲散

雷電雲端裏
歌呼屋後頭
意如生物動
愁到醉人休
讀史輕陳亮
論才
愛馬周何曾
關遇主直自
不相作

通放宋史
雷林傳

和馮菴三月水仙花

荒荒春色鍾冬卉
曄曄遲開得後殘
並世不知桃李鬧
深居猶畏雪霜
寒
琴高變化愁將去
神女遷延願久看
書幌因依瓦盆養
不階尺土豈

爲難

赴飲沫河大雨夜歸

龍祠凍雨驚狂客六扇門窗隔疾雷五月秦淮河亭飲只強紅粉與傳
杯

破石停舟搖客夢風波月色一時併歸程五里城三鼓今夜還聽甕盎
鳴

卽目與拔可

牆陰地下瀦春潦便被兒童喚作池微雨復來時點綴好風肯至亦漣
漪白鵝綠鴨容相就蚯蚓蝦蟆聖早知江海自方吾與子看渠泛泛得
多時

拔可束裝再贈之

晴天自起行人意小疾偏逢寒食時直想見期先一快猶存別色得無
癡歸寧堂上多君慶致賸裝中有我詩爲問詞人王又點整時靚面竊
相思

南塘詩三首

井序

南塘者正陽關圩外舟楫避風春夏時咸入於此塘上大王廟鹽務
官商宴集所在茲地特爲佳勝歲三月李子拔可沈子弢甫將歸福
州同人連日出餞爰爲詩三章抒情寫景或以遺後來之好事者焉

南塘水漲多新景河濱神祠壓森潺桅影澁澁過屋角水鷗跼跼下花
間鋪行什器堆船賣士女春衣上冢還風物荒城惟有此却思歸路可
追攀

南塘水漲多新景連日無妨取醉吟窮眼難逢花滿院春愁誰見柳成

林依依酒半將移晷采采闌前欲去心上已清明歸併了只除行樂總
休侵

南塘廟裏花爭好我與櫻桃獨有情來度清明思略似回尋詩句夢頻

更下誰念野明人甲午斷京絕櫻桃花 柁樓驚豔闌前過絃柱含聲醉後鳴并合

要將愁力勝不堪風景滿前生

南堤桃花

堤根數樹對泱泱傅粉施朱自試粧淮水東流思不盡春陽欲暮日初
長山僧栽種開誰管游女經過折或強自被詩人誚輕薄柳陰不妒有
鳴榔

送春儻韓致光

循例作詩三月盡眼遭飄落太驚心拆成片片思全盛綴得疎疎祝久

禁肯記帽檐曾競戴無情屐齒便相侵冬郎謾把傷春酒早日池塘已
綠陰

四月雨

日出滌衣雨復下天公不愁竈婢罵勃姑將婦來覷人持竿驅之了不
怕雨晴於我何所分亦愛窗間有夕曛下筆時時成一笑雕蟲應不與
斯文

江南雨熱梅初黃淮北雨冷川漲長人言日發二三尺鹽舩銜尾還兩
塘故園大水年年洶昔日兒童那知恐夜半官河浸入庭起抱花盆墊
書籠

贈周少蕃

畫地學書聞竟國磨甄作紙見周生吳鉤自厲誰知苦柳脚能傳世謾

驚手凍寒天資熨斗質瑩深夜映燈檠他時圖畫誚賢母記我詩篇勸
力成

贈別三彌彥侯歸試

壯志開歸路居人抑別情雲開逢月好風到送絃清便有無涯思眞非
常日聲贈言期一得剖璞見連城

坐月與歸試二君

闇坐無燈思一靜暑生得月意成涼垂簾教作窺人態閉戶因嫌隔壁
光欲下沈吟如顧影送歸微嘆想回腸行人明夕江頭望照我遲遲尙
念鄉

牆下金絲蝴蝶一本馮菴移理之開花予爲賦詩

初看默默隨春綠肯顧無人開始知桃葉前生猶可辨

亦呼金絲

雄蜂

無偶亦相思由來評色惟推淡一日承恩不怨遲頭白老人欣對汝閒庭蔭喝伴思詩

友人送末利栽之謂不活矣近漸有萌芽祝之

包寄逾淮及始春搔膚搖本敢云頻也逢夏至爲生日欲說南強太媿人水閣醉魂驚扇重

中藥

如惟此曲

街棚茶話鬥毬新

夏州

夜州

景南

街物

舊遊鄉事皆

難得慰我無言或有神

窗前細竹

相遇惟期共歲寒雨風也獲一窠安覺來便有凌雲思莫作娟娟牆角

看

稻芒差小蘭芽大細數頻來亦有情一樣風吹兼雨洗只餘墜籜不聞

聲

吾廬得地亦非寬歲計常添一百竿早識愛緣多絳觸不應兒日事摧殘

和馮菴十五日晏起濤園扣門之作

夙興弟子原當爾高臥先生也謂遲只似侯王懲倍約那從傳記覓嘲師朝陽可吸功難學夜夢能清神不疲摩眼作詩餘整暇故應竊笑舍中兒

馮菴詩云軒於晚翠早劬書

隨地名軒無不可得閒寫字亦相宜援毫未解心先畫入格深慙手似植此事養和承平日幾人變法中興時斲輪老去猶堪用莫使後生空得師

和外舅翦花之作

長吏風流初著手詩人欣賞兩操心剔搜一葉教無隱蒙密逾宵禁更
侵西子貴時愁傅粉麗姬嫁後悔霑襟時來得意還如此那記牆根草
露深

和兩先生諷早睡之作

詩橫胸際眠如斃月近牀前警若神眞怕打門租未了頗嫌閉戶相能
貧微吟漸有蟲飛和別室難將鶴怨伸敢外先生求印可尙從新得誘
逡巡

石榴請馮菴作詩

材官家裏開能豔書客瓶中供有常怕熱却成相對惱過冬尙逮去年
嘗尋思仙洞兒時句狂想塗山舊日妝敢乞先生爲下筆紅裙白髮看
誰強

小盍明燈掩映姿淺娛齋裏日長時天生正色莊難笑人道無情蹙自
知毒口只憑呼俗女禪心原不惱毗離詩家遇事須償債誰遣逢花便
折枝

讀外舅石榴詩因述

樹當夏日功尤赫根渥淮流產自雄火色貴人愁不再餘姿女樂嘆無
同傷心鞞影雲頽黑照眼旗痕水颭紅感物造端慙未逮尙能尋繹發
無窮

外舅哀餘皇詩題後

七日動心驚帝醉百年被髮卜人爲靜觀始驗過庭語盡瘁空追籌筆
時易佃菑畬看滅裂經行藍萼付隕摧分明家國千行淚詞賦江關漫
道悲

述祖德詩

父母不逮事百事不足爲不諱王父母此語深可悲恭維吾祖德敢云
吾知之外舅沈濤園激揚多厚期本於先公意詔我家乘遺謂言承積
累宜作爲歌詩小子實兢兢靡日而不思命名不得咳抱孫未親懷永
念臨沒嘆况積孤生哀愼重良有以聞見求無歧託始三四歲所記可
依稀聞人說公公作官在安徽信歸向兒道公公念著兒分付教爾雅
明年爲延師堂上張小照於此識鬚眉慙跳畏噴喝每過首必低壽辰
五月八學把阿婆卮酒闌凶問至驚哀終日啼是年唯己卯此後多傷
悽吾父麻衣歸遷居旗下街庭中龍眼樹書案設當階手寫不記紙淚
下時如糜竊窺顏色惡側坐不敢哈心目憶可見禍酷痛交摧易簣執
手泣太息兒尙孩年至十二三書簾恣翻披吾父曩所述手澤如新題

先府君年譜男某謹次排東流隨宦記言土瘠民疲粵寇凡三至城內
 冢纍纍生齒既未復文教非苟施邑中鄧析子好持官是非好召與之
 語舖以酒肉糜糯袴爾所利鞭箠官有威感愧或遁去自此獄無欺又
 云戊寅案文書存可稽別本逾寸厚細鈔累萬微敘述似未竟欲傳恨
 不才童騃究未省今知意在斯犬牙相錯地自古言多違爭桑處女傷
 漚麻吾水茲寺門夜載藁界上晨亡屍豈嘗飽毒手直是支誣詞閱實
 赦無罪譎張謂有私風流秋浦咏響絕不可追吳池州府視錢卽甚悅含
 怒故多訾人情易反覆如萍隨風吹獨持南山筆嶽嶽難得移媚人猶
 及止殺人奈何哉安慶孫太守控告義所希孫敬濂先生手錄存十
 紙手親錄兼有當時詩天知民不媿睡起心自夷林司馬統如引舟去寄語淚勿垂白

未必同凡皆接口何妨睡起遲前牛不記心
 豐民無媿口何妨睡起遲前牛不記心
 統如引舟去寄語淚勿垂白

骨可覆視黃泉豈遂埋忝名為父母那忍事委蛇民冤苟不雪罪大亦

何辭列書達制府揭申論請制府驚且疑為民能如此豈非良有司事實良

未明萬一亦可危私誼况桑梓公沈督文江人言有階梯移文召伍伯西調著

作名作破棺求瘵者萬日見日月一朝抉雲霾父老喜害去德守道路迎

君回還愁升擢去豈悟運化推廉吏竟如此天道諒可知先世有薄田

亦足供歲時為官而祿薄不以家人隨五年古彭澤清對菊花杯中問

更事故斗米豈勝炊負郭既不保沒身反得瘵嗟此實明德感念空增

歎匆匆二十年一得而九遺誠當書此事留布諸方來民情苟不誣知

有望江碑天關苟不遠恩澤敢妄幾吾父一片心不與七尺墮七月急

歸去尋檢舊書齋情知漸徙失諒未付塵灰老師吳峰五表叔魏幼施

當時皆目見故實良可咨縣社有雞豚官府有檔批成詩餘涕淚令名

思用賄

申報送至馮菴相次成詩

邸鈔不仕元堪斷申報無文那足看要見詩翁作詩手風吹春水遣相
干

六月初一日

月朔重申晨夜命貪眠自訂奈吾頑臥看露瓦籠金潤起待風簾颺練
殷花鳥鮮妍人氣靜屋廬深遠市聲閑詩人得意多斜日不爲朝陽一
破慳

初三日呈馮菴

難得先生說止詩恰宜懶性與開眉得閑眠食休相擾無故悲愉只坐
馳飛鳥遺音情欲息春蠶課繭腹憂飢閑房長日聞微諷便似蘇門回

首時

初四日

黃花隨折復隨開
選事庭中日數回
吹面好風斜日下
廚煙拂草過牆來

尋詩竟日只無題
書卷都拋旋旋迷
如此長天翻不讀
可知不及漢征西

先師陳幼蓮觀察遺文綴言

斷璣零璧散不拾
田父夜驚莫敢藏
青箱世守亦僅僅
深鎖何殊塵網涼
當年有作必寫與
楚亦有分旌與璜
時時開視寧忍讀
六丁下取須提防
惟天生才加以學
小子辟席徒窺牆
追穿載籍吸元氣
淺才薄豔下奔忙
古者文章重制誥
至今獨數常與楊
聖朝責實所弗尙
諸侯僑

戊爭求良由來陳琳阮瑀集存者縱富已已亡香山居士尙律切少陵
野老窮鋪張論詩宗尙見百一空積腹中千萬章茅亭六月憶新落左
右花草羅丹黃終日相呼語不盡三復共賞味逾長鍾山回首竟終古
三年忽忽永心喪獨念遺文後死責名山何日發輝光

留別馮菴

四海舟車正大通東西爰止總相逢三年得侍看成易一別方追憶可
重求道鑽攻資苦語治詩橋引美神功古磚如石心如玉持奉猶嫌比
不同

謝馮菴菜羹

一動歸心食指隨盤殮爲別已精治菜園漂盡官廚泊肉味三年亦未
知

客有詢幼蓮師世兄者書憶

重闌色養若親身別日麻衣感尙新
聞說今年當娶婦師門歸去見成人

留別南堤

頻來樹下得開行臨去何辭沾滯名
水面風搖金一片日光柳色晚天情

與熊子嘏

好事相尋信有緣肯鈔詩去愧流傳
止堪留作停雲記不忘南堤五月天

借書每日見辛勤自說家藏付蕩然
亂後山川輝潤少要思人力可回天

兄事深欣長五年處君當復許相鐫詩人元與窮人異自致昂藏莫可
憐

馬房溝

昨日老子山雨打又風吹今日高郵湖過湖日未遲雨氣化爲烟何處
露筋祠金葩揚翠蓋空中見參差徑行忘混漾難進漸逶迤新蟬第一
聲欣然得聞之淺淺綠鋪褥高高青垂帷霞光山外鑠倒蘸水之涓藍
滑如潑油紅豔如凝指捫之不著手腳踏跌爬龜千載苧蘿溪人言浴
西施揚州夸佳麗此理信可推如何殺風景火輪表而馳何殊鐵如意
打碎赤琉璃刀劊織女錦車裂文君肌扣泥斷萍根吹灰黏柳須慚極
急遁去犬吠非關誰湖光挾隄樹苦苦遠相隨清麗與幽淡萬狀難具
辭仍爲詩人既不同湖寇追柁樓得晚飯新月正如規焚楮舟謝神鳴

羅官稅釐荷香不見花暗裏勾我詩風浪一回首既往亦勿思

洪澤湖遇風

清晨過龜山水勢凌日盛突兀淮瀆祠空影浮相映我思無支祈何得
竊權柄古后遠其誅後世及以政夏鼎民可知魯囚吾不敬廿里老子
山私念未及竟大風飈然起天水勢一迸長桅勢忽傾連舫聲相僅有
力皆上掀無雷欲下轟南轅折不回退鷁旋復迎衆喊張臂持萬漚陷
胸迸竭力乃拋錨遇浪如碰釘鼓輪就淺瀨牽繩依幽屏船身頓而蹶
蠶腹號以膨激石居未安得兩勢益橫家人吐狼藉水鳥飛覘矚我心
知其故且臥待其定召寇固有因論理亦太橫欹枕久不寧寧帷若有
值何物類獼猴跳踉赤臂脛大笑至口耳其語乃可聽輕薄神所羞馮
暴爾何輕但遺稽程期未至憂性命禹老啓方幼威福惟予正庚辰與

童律不用且久病世人不悟此輒思與我競大鵬犯天蓋長鯨攬海鏡
以予較之彼猶自羞陷窄遷賢詔器利矜盈謂氣勁一敗遂爲羞大福
至不更無乃過勞云制身宜自訂言畢忽無覩風息夢亦醒

與石遺大興里飲罷過宿有歎

往日矜夸一任謾遠來共醉事殊難高樓罷酒天初雨短榻挑鐙夜向
闌流落傾城同一嘆付量終歲得多歡此懷恐逐晨鐘盡留遣回腸報
答看

洋涇橋與太夷丈對月

河干風月足情文暫獲相從清賞分夾岸人多俱有役當樓曲好與誰
聞傷春日往心猶在興利時迂議尙紛不遣詩人憂世事還能回眼醉
紅裙

滬寓卽事

隔浦車塵漲暮天虹邊門巷漸含煙獨謠負手誰能喻百計安心或未
賢王粲憂來空假日嗣宗醉後只酣眠河流樹色寧知我眼底憐渠盡
意妍

張園同旭莊四丈

樹影鞭絲一瞬中如何行樂絕匆匆少年爲客思還勸舉國從人懶獨
雄隔座嬋娟憐好月回車馱馱夢涼風平生看竹饒真賞剩愧題詩總
未工

舟行一首

射陽天影接樊梁湖水交流自一鄉蒲長坡陀難辨岸舟行深窈但聞
香眉痕窺戶江南綠雨意斜空樹外黃眩臥海風吹忽警似緣好景不

能忘

上海胡家開茶樓

已近鄉心那得休誰曾一笑妄成留依回避疫情何怯牽率言歡意易
適十里人聲趨短夜百年海水變東流閒來獨倚原無事只爲涼風愛
此樓

還福州海行二首

客吳思越此成回雲水多情識我來白氎千重遮日走綠荷萬頃泛風
開車音聽入江干別庭樹歸尋舊日栽仰屋波光看定頓思微醉玩
深杯

其二

屬水雲垂日半黃峰巒漸熟却深藏輕軒豈是人能使俯仰翻喘山太

明 司 車 集
忙旱疫應知鄉事苦藩柵未識國謀臧坐窗兀兀真當瘦不爲微生感
獨長

福州寄內

人海投身未作謀多君送我思何周江干燈火殘宵月客裏園林臨別
游攜手何當歌有道寄居聊得顧無憂入關志氣吾能勵望遠凭高莫
自愁

八月十四夜拔可宅中露臺

家山風物別成忘良夜乘高試一望月靜方知雙塔鬧霧低惟覺滿城
香驚枝宿鳥難安夢聞笛離人易斷腸直恨清輝同萬里誰言秋思在
他鄉

與拔可別後却寄

少年爲道欲安心莫以端居擬陸沉叢桂小山真好住白華處子孰能
侵書聲課弟燈初上竹影關門兩自深新爲高齋作寂寞據梧不共夜
分吟

再寄拔可並訊仲奮

客還孤陋少情親厚我猶夸李與陳絕羨殺雞人有母直呼作黍孰爲
賓欲言已盡原堪去相見方秋更待春路曲樹陰壓清泚記同詩客訪
經神

寄陳仲奮

謀身或未能輒有當世意夫子愍其狂登高共一慨山河猶吾土胡爲
視若異珠玉久不生悽愴少輝媚嗚呼誰使然已矣非人事
吾黨二三子望古期一至卓哉豈不賢行處人或避羣陰方剝陽山高

不絕地政使隨俗耳誰得謂非智煩君但一計何以安吾睡

丁酉九日泊舟煙台寄鶴亭二首

別君若翌日登舟作重九萬里好家山翩然得我友主人掩戶出巨盜
窺所有已去俄復來居心疑不厚莫謂國無人一旦落君手
落葉未足悲親寒情一至孰云東鄰女不下阮生淚此意旋自隱妄謂
止禮義不圖揚其波乃使慚無地泥犁誠對簿君亦無所利

呈黃太守國城

戴義全家未敢誼十年事往尙煩言同舟有劍傷孤按入井無繩賴手
援當日一州推直道古人駟馬望公門心知邂逅非容易恐是先靈誘
幼孫

隣鶴吟

劍題浸貴采鶴唳延悲聲西鄰有羈客聞之繞室行已無親手餉寧爲
告飢鳴奴隸謂欲去恩義懷無生葉落樹寡色露寒天不明嬋娟掩中
戶蝙蝠飛前榮華表歸來日相逢或一驚

代書與里中親友

推戶驚風大聽詩聞雨來五年終夕話三客異鄉回歡阻河陸月心傷
里社災別懷知未釋寄與短章開

戊戌元日江亭卽事

倚闌雲起亂鴉呼黯黯西山望未無乍入閤虛催夕景還連風色散平
蕪主憂避殿當元日臣職操兵見嗇夫如我閒官神所笑何祥欲問自
疑迂

同陳清湘飲唐沽酒樓

憶憶船行煙尙屯蕭蕭旗響水爭喧吳兒涕泣君休笑忍見邢貞入國門

杜陵家室吾方問通德鄉門子自昌逆旅匆匆聊命酒相逢莫道馬賓王

寄內

曉色驚看月滿窗池廊雨歇水淙淙酒醒作痛何情緒夢見吳淞十里江

六月長安無一事借人亭館看西山鹿車甚處堪同挽留滯何因却未還

同琴南拔可稚辛至雲栖題名而去

江路山光百轉新靈關雲木倏相親全收雄突歸深窈不露莊嚴自淑

眞脩翠含陰留宿潤雜花浮水散幽春誰知未是逃名處尙有亭前泚
筆人

禮蓮池大師塔

天外飛禽逐磬音石壇幡影見深深詩人宿具開山手世難旋移卜隱
心老樹刺天青自直空潭留日綠還沉有情多是栖栖者初地微茫豈
易尋

答幼遐前輩示詞

邂逅眞非常樂論陂邊鷗鷺怪紛繁看山留目依吾土書笏迴思入小
言兩急更催愁日晚花清自照忘杯渾龍沙請念憑何物政要先生秀
句存

直夜

鳳城六月微涼夜省宿無眠思欲殫月轉觚稜成曙色風搖燭影作清
寒依違難述平生好寂寞差欣咎咎寬身鎖千門心萬里清輝爲照倚
闌干

呈太夷丈

聞命書思既竭才池亭起早獨徘徊寒生曉夢知方雷雨轉秋陰喜漸
開救僞未妨行督責乘時自合仗雄材先生平日吾師事試問如何區
畫來

頤和園葵花

瀛海分餘潤秋暉亦聖恩撫心無愧汝飄落復何言

獄中示復生

青蒲飲泣知何補慷慨難酬國士恩欲爲君歌千里草本初健者莫輕

言

西湖斷句

貪看湖光猶畏雨
靜思世事欲逃名

晚翠軒集終

說經堂詩草目錄

定遠道中曉行

游順慶白埕歸渡嘉陵江大風作

登閬苑十二樓

丁丑將赴鄠寄懷叔雲京師時方

由水道還蜀

舟望

泊宅

入峽

江雨

聞官軍收復準部四城

擬梁簡文納涼

擬梁簡文蜀國絃

院中秋暝

臘月十五夜月

讀杜工部入蜀詩擬作四首

二月十九日行次寧羌遠聞朱詹

事師之喪以是日發成都歸葬餘姚泫然泚筆情見乎詞率成

二十韻

長安寄嚴雁峯秀才

始發長安至灞橋

過太原作歌

客述越南戰事

聞倭滅流求

定興道中

暮至城西古寺

南苑

西海子

九月十七日出都叔雲茂蕤晦若孟侯送於彰武門賦此卻寄

過盧溝

寶店早發

過白河

旅夜

登北極閣四首

登鎮海樓

題家書後

和南皮師除日大雪元韻

潞河舟中

讀謝康樂遊覽詩擬作

讀李長吉十二月樂詞擬作數首

汴梁懷古

晉陽懷古

錢塘懷古

閩中懷古

粵中懷古

紅葉

前蜀雜事詩

後蜀雜事詩

說經堂詩草

綿竹 楊 銳叔嶠

定遠道中曉行

巖高石齒排雲樹，束火起尋江上路。
嶺頭煜煜見明星，襟上涓涓瀉涼露。
露露冷空山，棲鳥驚幽蘭。被徑香風迎，道旁禿樹似人立。
林間飛瀑疑松聲，石磴高巉碧峰頂。
雲氣入窗行，籜冷木魚曉。動僧唄開一作一叫起。
西谿老翁醒

游順慶白堦歸渡嘉陵江大風作

火雲烘天作黃紙，須臾幻形成釜底。
大風吹下白堦來，刮起嘉陵半江水。
水嘉陵水闊船如刀，堦尖回望明秋毫。
放舟老叟簸欲躓，腥蛟掉尾涎龍逃。
太陰黑入增冰渙，雪點翻空鷺羣散。
氣沖塵堞陰霾昏，血瀝泉源

老株斷歸來兩脚猛翻盆夜靜空聞風破門

登闔苑十二樓

背後碧玉臺當前蒼錦屏靈山翼其傍闔扇隨開扇嘉陵抱城去羅帶
東西縈長空萬瓦白飛閣雙鬢青遠近籠變態旦夕浮窗櫺此邦殊勝
絕壯觀尤仙靈闔苑駕高翔真訣參鸞聽道子恐著畫佐卿偶遺形斜
日明遠墮孤烟上層汀丹梯暝方迴醒客聞風鈴

丁丑將赴鄴寄懷叔雲京師時方由水道還蜀

長安落木下之子發盧溝爲客三年盡防身一劍留悲歌燕市月歸夢
海門秋一葉東流去遲君到峽州

其二

片帆雲氣昏十月上夔門峽勢回看烏江聲正斷猿林霜紅繫纜山雨

綠開樽冬盡南省縣交期子細論

舟望

榜吏催人急江干鼓角嚴灘名銅柱險峯勢鐵桅尖水國分寶布官綱
下楚鹽風波幽賞愜不待酒杯添

泊宅

泊宅夔巫去巴江一線流峽雲朝易變巖日午難留猱獲窺漁艇鷓鷀
上客舟此身何所寄天地與浮漚

入峽

稍入瞿唐峽摩天有石門簾留蟻挂迹松落鶴巢痕米市依沙聚鹽船
避磧喧遠遊非得已獨畏虎狼存

江雨

繫纜如船重沙頭照火明大江秋更張危峽夜多聲水鳥羣相噪潛魚
夢亦驚短篷愁屋漏強喜說銷兵

聞官軍收復準部四城

見說龜茲國河源更盡頭羯胡終伏命龍額會封侯貳負尸仍楷休屠
像早收昭陵大小白連日汗長流

其二

絕域通西極平時萬里疆天徠汗血馬國集大頭羊水草千夫帳旌旗
六月霜似聞陳校尉親斬郅支王

其三

自拓伊犁地頻年費轉輸先朝有深意北徼絕強胡異域歸盟長安邊
想廟謨明明四夷守經國意何如

其四

瀚海封疆重將軍號令輕準回初有議中外本同情貴冑仍專闔獯戎
屢畔盟終朝立行省藩部比陪京

其五

甲子江南定西征繫聖顏至今堯典在回憶禹謨艱王者真無戰中原
不復關淒涼告廟日雲氣滿橋山

擬梁簡文納涼

餘靄半城昏淋池收夕暄端居念徂暑涼月敞東軒芳蕙乘露炯密篠
滯風喧作潮鳴蝸眈樹杪流螢避草根卻扇情非故停琴念已敦無繇
度清夜飛蓋集西園

擬梁簡文蜀國絃

星區臨石鏡天府限銅梁
估客渝城樂嬌嬈蜀國妝
名都寔佳麗被服炫姬姜
十千盛溢郭三五艷專房
武都才化去灌口且迎將
漢女流波顧巫娥蘭麝香
隨風步羅袿桂褉佩送瓊
璫爽起蘭臺雪裙煎錦水
光西音罷促柱南市勸迴
觴聞君下巴峽先夢到高
唐

院中秋暝

日夕天氣涼颯然秋已深
虛檐切穹霄廣院下層陰
浮雲頽高望荒颺寒遠音
冥坐易爲感孤懷下嶮峯
南雁肅哀唳弭棹清川潯
所思諒多阻皋蘭絢幽森
願移淮南調且輟湘潭吟
無因盥塵虛淒其江海心

臘月十五夜月

錦官城裏暫停鞍紅粉樓
頭獨倚闌一十二回明月
夜可憐都向客中

看

讀杜工部入蜀詩擬作四首

白沙渡

雲門下清江轉棹巨石礙解纜及長風乘舟入青靄威遲平地底愁破
寒天外行人喚山坳篙師面相對淺水魚龍逃中流鶴鶴退曠然心魂
舒喜見空宇大狹岸逼嶮峯奔湍謝碎泝旅定息羈夢愜意雲濤會

水會渡

久客畏長途窮冬尙孤征霜氣灑已冽崎嶇迸前程江夜渺無邊瀕洞
波濤聲方舟喚宵渡鳧雁中喧驚竿鏡石易響岸火風還明捨舟路方
徂登山愁屢更俯看江流底衆星浩縱橫我行何當止旅泊淹平生

飛仙閣

飛橋青冥上架木橫空躋歷盡平地正登梯雲梯連山走長波寒江

帶流漸天色暮慘澹風聲甚酸嘶危徑下木杪前望望卻低登降苦勞
頓兒女咸饑噉居人隔水飯過客尋烟棲我衰慚野老生理安能齊

五盤

人言五盤險山險地亦偏修阪造雲日喬木延炊烟巖室晝恆扃山居
多窶泉亭午昏霧散羣雞號樹顛對此心目開遂忘羈旅牽他鄉尙流
落舊國何當旋東京久征戰廬里成空阡此邦寔樂土忍說嵩陽田

二月十九日行次寧羌遠聞朱詹事師之喪以是日發成都歸

葬餘姚泫然泚筆情見乎詞率成二十韻

哲人不嬰物永世惟令名一朝萬化盡恩義若平生天道昧忠良俾屏
哀國植豈獨斯文喪焉知殄瘁情歲月終靡盬匪躬奉王程金石乃銷
磨矧此勞役并反席北墉下總帳何淒清骨月不在傍白日慘光精迎

弔無敝廬一隴何繇耕被褐非所恤孤露猶熒熒挽車東門外反葬榮
都城浮雲暮蒼黃寒郊聞哭聲來時萬山重去日一舟輕三峽咽迴波
流水漾雙旌兩泣感行路未甚山梁傾小子奉啟足敦匠誰親營治任
獨先歸零淚空綠纓江漢無還流時雨不重榮茫茫萬里途山海浩縱
橫終朝束芻奠他時望兩楹

長安寄嚴雁峰秀才

我行迫季冬凌寒不能發客子今春來尙見秦關雪強得一尊酒欲以
慰饑渴別後聞子規思君霸陵月

始發長安至灞橋

已發灞陵亭還眺長安郭雲開見藍嶺山明出紫閣遠樹立森森平田
低漠漠斜日馬上晴餘霞鳥邊落列景歸清哢憑軒恣行樂薄旭殷荒

原一作過韶葩綯遙壑既懽游賞佳稍慰離悰薄青門跡可尋丹梯望

仍廓

過太原作歌

太原公子虬髯客笑指并州作王迹龍起虛傳晉水清一作龍起千至

今猶見汾雲白此地從來王者都百年腥穢經胡難三河節概向誰是

段干田子今時無摧輪倏登太行道黃沙屯雲沒青草往者災荒連四

年飽聞白骨高於田古埃離離識官路頽垣漠漠尋炊烟竭來風塵厭

辛苦鳴鈇宵深代人語只為肝腸報信陵肯令口舌誇齊虜莫辭且作

燕薊游有夢早到金臺土固關東連人去稀山川霸氣兩依微晉陽莫

問前朝事一作莫惟有秋風數雁飛

客述越南戰事

長星曾記出蚩尤海沸江翻兩度秋夷舶波濤通鬼國祆祠風雨變炎
洲越裳貢雉終無補浪泊飛馘且漫投極目南雲何處盡漢家銅柱在
交州

聞倭滅流求

天書夕下賁雞林萬里樽桑望德音定粵犬牙原有制賜秦鷄首竟何
心神仙已渺秋風客帝子還飛碧海禽頭白懷王今係虜咸陽終日淚
沾襟

朝漢臺高北斗殷誰從槎客問瀛環人間志士虬髯去海外孤臣馬角
還職貢百年通上國衣冠三代失中山申晉徒向秦廷哭虎豹森嚴臥
九關

定興道中

自入燕幽地平沙不見春日高塵過馬天闊樹如人驛路遙通薊河流
併向津慚非游俠客長劍亦妨身

暮至城西古寺

傍水蟬聲出槿籬馬纓庭際落紅絲夕陽下嶺疏鍾動正是山僧入定
時

南苑

大紅門外接郊坰南苑秋風禁樹零被酒日斜橋上立無人教放海東
青

黃沙望盡草連雲蘆管聲高海戶聞射虎歸來人不識馬前平揖故將
軍

西海子

方丈蓬壺到眼前
團城雨過亦翛然
夕陽欲下觚稜去
遙見晴空水碧天

碧波黃瓦接瀛臺
秋色芙蓉鏡殿開
十刹海邊人散盡
水禽飛過苑牆來

九月十七日出都
叔雲茂萋晦若孟侯
送於彰武門賦此卻寄
征衣乍作十分寒
去住無聊兩自寬
燕市悲歌將進酒
秦關殘雪勸加餐
驪歌送客難爲別
烏帽愁君不忍看
咫尺青門一分手
人間天上是長安

西風吹我欲銷魂
秋過虛溝木葉翻
去國身如霜後雁
望鄉心似月中媛
三年薄命隨書簡
九日狂歌對酒樽
蜀鳥燕鴻兩愁絕
寒天一騎向并門

過盧溝

柳色關河早帶霜，危樓畫角倚斜陽。
天邊候騎穹廬白，雲外行人袴褶黃。
水過田園同雁鶩，風來草木見牛羊。
盧溝此處頻回首，猶望西山氣莽蒼。

寶店早發

寶店夜半鼙鼓絕，空中行雲走孤月。
館人見月呼天明，枕上寒雞催我發。
是時連旬罕晴霽，積潦浮空盪銀闕。
朔風琅鐸響縱橫，白露油鞵照明滅。
雲頽月轉已復暗，倏忽晦明誰可決。
穿帷急雨驅淋浪，破空驚雷下突兀。
豈惟重褐無寸乾，更恐聯車同一蹶。
僕夫驚馬兩懷怨，塗泥上鞍水過襪。
奔流亂轍迷遠近，一作奔流一篝火驚人愁出沒。一作愁前林有物

畏豹虎

豹畏

一作

一作

朔野

無聲

散鴉

鷓遲

明已見

琉璃

河曉

寒中人

砭肌

骨

作亞 題机一

漸看飛霧卷長橋稍喜炊烟出黔突土牀宿火呵手凍銅瓶

村酒澆腸熱

作村 題一

田家正苦雨淫淫勞者復聞泥滑滑我生饑渴分自

了天意陰晴那可說蘆笳早動墟市開石道凌兢憚輪鐵

作憚一 登一

過白河

大漠風聲欲渡河馬頭行色上京多黃雲疊鼓漁陽慘白日彈箏易水
歌駿骨功名思郭隗狗屠習俗問荆軻論交尙有燕南客斗酒相逢劍
屢摩

旅夜

風急下庭楸孤吟凭綺樓鐙懸疏雨夜門掩候蟲秋運命嘲蕭遠平生
愧少遊壯懷銷鑠盡竟夕感滄洲

登北極閣四首

一作 題 眼 日 太 原 登 眺 瀾 率 後 有 北 極

寒飈獵獵卷雙旌百尺危欄立暮晴秋色五原秦故郡夕烽孤戍漢長城雁飛猶見汾雲白龍起虛傳晉水清今日衣冠非典午管涔神物漫縱橫

絕塞凋年感慨多

絕塞凋年一作腰間白羽問如何八陁風

物征人度

征風人物一一作愁風雨三晉雲山匹馬過作匹馬一城漏日光翻紫塞

沙連天色走黃河時清不用樓煩將枉唱陰山敕勒歌

黃雲畫角到并州倚劍天門壯歲游李廣數奇猶出塞李廣數奇劉

琨坐嘯已登樓劉琨一作平川水闊牛羊夕故國寒深雁鴛秋

深一作鐵笛凌風一搔首武侯遺歎在中流

百載三邊靜塞塵一作柘弓銀研此閒身晉祠碧玉龍鱗舊燕

市黃金駿骨新流轉關河長作客長流關河一作挽回天地豈無人

神州咫尺修門遠

作修門

北斗闌干望北辰

登鎮海樓

檻外中原北望深
夕陽高鳥客登臨
千軍白馬奔濤壯
萬燼紅羊浩劫
沈化國樓臺
銜暮景異鄉雲
物發秋心劍
鏱爭割羈愁去
棖觸儒冠學
楚吟

萬戶秋生畫角哀
尉佗遺跡尙有臺
盲風過嶺桄榔響
蜚雨隨船薜荔
開邊海碧吞沙地
盡繞城青見越山
來圖南未必真
乘興且酌曹溪水
一杯

題家書後

書劍飄零付酒樓
側身天地入扁舟
衡陽雁斷無鄉信
嶺徼猿啼獨客
愁別夢還飛珠海
月歸心先渡錦江
秋茫茫身世無
端感寄與滄溟萬

里流

和南皮師除日大雪元韻

臘酒噓凍得軟飽年豐樂事快自了冬雪再鑿春猶封霽色模糊堊林
表堆瓊仍看萬瓦白燭照不待三更曉市人屢泝不龜手天公慣戲玉
龍爪士如楚纘恆得挾我愧袁門獨不掃迎年爆竹謹歲除家家倉庾
登萬寶要豐餗餽隣里更潔筍腫薦潢潦尙書元精耿虹貫昭蘇萬
彙古來少驅蝗肯師梁公智兩麥未神岐山禱默知桃汎迴百日菱薪
驛駱催縣道九穴恐滋藕池訟萬城倚是荆郡保今年大雪三表丈異
事還諗百歲老梅苞噤寒不須吐瓣根啣溫未應稿瓶盎破裂驚粵洲
瓊玉揮斥散臺島造物無心無乃謠行子歸計定愈好春風入律釋土
膏積潤回楛被萋草百灘若失去櫂輕綺岸餘花照蒼昊

潞河舟中

通路扁舟上牙檣尾自銜潮聲遠過閘河勢曲隨帆塞雨天波漲邊春
雪水涵帝鄉前路近莫惜浣塵衫

讀謝康樂遊覽詩擬作

晚出西射堂

雲斂霽初夕夕暝山氣寒繚垣輳野陰飛閣撼風湍燒痕原野紅返照
川林丹嵐變景多新谷深趣易闌征鳥逝逾疾孤獸走復還不值離索
戚焉知羣處歡金尊酌清醪素弦促妙彈造幽無人同拊襟懷永歎

遊南亭

返照斂天末颯林含蕭條萬象歸餘晷圓光半清霄煩疴近疎散曠望
窮邨臯淑氣變喬木和風翼新苗林臥昧時化野行屏埃囂爰爰見逐

兔嘒嘒聞鳴蝸庭卉忽改節圓槿無終朝賞心在天運攝衣步逍遙長
生得自得真隱誰爲招

游赤石進帆海

邊海天氣清風靜潮未落解纜及滄波駕帆戲海若溟汨無垠崖辰游
泛虛霧巨靈息威瀾颶母無時作海白氣微涼波紅日初躍且見衆星
淹晚就羲輪泊徐市求神山成連越大壑採藥非空談乘槎詎云託願
結閨風游移情付冥漠

石壁精舍還湖中作

物象湛清華天氣日夕霽霽暄非一時行客歡游詣山將衆壑昏水與
長空逝峰翠澄餘曠湖雲歸夕麗巖傾落照留谷轉涼颺厲俯磴瀉幽
襟臨湍散風袂初探稍有得漸進遂真契何當謝組來及此關常閉

登石門最高頂

陽崖脊東曦陰壑斂西暉童山鑿石澗峻閣敞荆扉羣岫圍合沓高冢
抗崔巍蒙楚入林莽陵苕拂行衣靄合迷遠近日沈澹熹微鐘高石杵
亂燈靚宵光晞沈淪悅山性偃息憩崖霏鴻冥九霄翰鳥遯孤雲翬巖
阿苟絕蹤安命分不違長揖商山侶甘息風塵機

於南山往北山經湖中瞻眺

扶策翠巘曙息駕丹崖昏舍舟倚石壁理棹在雲門淥淵凝鏡淨汰渚
流璇溫巒映叢薄表石瀉長林根複嶂屢迴互重巖自崩奔膏分綴兩
足膚寸觸雲痕菱牽紫角刺筍折綠胎翻危柯戀羈鳥駭石墜驚蟻尋
異迹多逝鑿幽念逾敦山水有至性絲竹難爲喧徒結流水曲僕御偕

誰論

從斤竹嶺越澗溪行

嶺宿候晨鐘溪行冒殘霧微月陰荒村曉星掛高樹坂峻牽帷衣石橫
聚廣步崖吞仄澗懸水湧危槎度徑線疲東西谷棲作朝暮清篠麗澄
涓澤蘭蔚長路若人在深山室邈不可慕叢桂有舊迹竹柏無停趣迹
幽隨境邃心遠入林悟吾生理固然謝爾愜所寓

讀李長吉十二月樂詞擬作數首

正月

條風少女弄春暉嫩寒宮禁漏聲稀雪釀紅心淺草肥花光糝入綠羅
幃銀箭罷催窗送曙鏡檻熒熒墮朝露輕批魚鱗排天闔金雞唬老扶
桑樹

三月

豔陽爛爛薰瑤天東郊望春春可憐金衣斑剝雨聲澀蜀魄叫回花欲
泣曲江宴冷社鼓闌酒香雨氣紅羅溼女桑蕙蒨欹巖扉歐絲帝子祈
神祠同功作繭大如甕青春白雪練寒機

四月

梅炎滂出千山雨漠漠紫苔黏柱礎殘紅滿地香霧噴沙嘴鳧翁相對
語濃陰幽暗無飛花雕輪鳴玉轉啞啞水香五色作龍華

八月

寄愁與明月孤照淚痕斑暮潮曲江曲藥照山上山山石不可照山雲
無時還不眠倚桂樹露脚溼雲鬢

九月

玉關柳紅衰草白金背蝦蟇老蝕月齊州九點融冷光瘦盡溪毛見山

骨啞鐘送響迷無處山鬼夜夜嘯楓樹膽瓶殘菊露珠圓孤鶴避人翔
石壇

十月

蠟淚嘯紅怨夜長彩鸞簾額飛碎霜空山古木驚鷓鴣曉霧羃日昏無
光紅葉飄零散遙野蟄螢凍死鈎欄下朔風吹水水生骨池冰片片藍
田玉

十一月

天公玉戲電女笑萼綠仙人鬪清妙劫灰不死緹室揚洞庭春色飛千
觴酒酣臥起嚼冰筋日穀瞳瞳掛高樹

十二月

草芽青青鳴臘鼓埒邊兩兩雞方乳一年將盡苦夜長暗擲金錢卜釵

股

汴梁懷古

神仙策蹇正西行一笑回頭說太平
忍取黃袍孤寡手竟忘紅燭弟兄
情諸陵風雨悲南渡四帥旌旗媿北盟
敗瓦收從殘劫後宣和字跡尙
分明

晉陽懷古

恆山南下俯雄圖汾水東來繞舊都
虞夏故墟鄰絕漠漢唐華胄是胡
雛竈蛙乘雨時遊沼冀馬嘶風老識途
一自晉陽龍去後太原王氣總
荒蕪

錢塘懷古

湖頭初射怒聲張白雁軍來海不揚
兩浙山川錢尙父六陵風雨宋先

皇金甌換後朝廷小玉盃開時拱木荒鄧國未歸瀛國去西湖風景倍
蒼涼

閩中懷古

九龍山勢欲凌烟五虎門前水拍天都尉侯官秦印綬將軍橫海漢樓
船關河自古稱重險割據由來少百年餘善覆亡延政滅越王祠宇劇
堪憐

粵中懷古

城上遙臨百粵空南天愁緒正無窮炎方不斷四時霧漲海常吹千里
風劉氏朝廷同婦寺洗家巾幗是英雄尉佗舊業如何有惟見高臺聳
越中

紅葉

秋山彌望爛如霞陌上停車當看花冷逼驛樓纔度馬燒明宮閣欲翻
鴉荒村落日衰梧老古樹邊風寒柳斜滿地燕脂隨處撒翻嫌青女太
奢華

柿林掩映接楓林絢爛秋光著色深客路征衣遊子淚御溝流水美人
心古來重九愁如此別後西風思不禁曾見荆關名筆好卽今疑向畫
中尋

柴門落木正蕙蕙三徑何因有墜紅人跡秋光山店樹馬頭寒色驛門
楓成樓指點明霞外旅棧荒涼夕燒中自足傲霜饒酒態莫教飄泊逐
西東

征衫踏遍板橋霜紅樹關山引恨長魚網幾家乘晚渡烏啼無數送殘
陽深林月出明官道古木風高見驛牆莫怪長年多感觸謝亭回首鬢

毛蒼

前蜀雜事詩

王氣青城久發祥
旋看兔子上金床
紅旗一簇愁眉錦
跨取西川作帝鄉

百廿人中盡出奇
八哥曾此泣登陴
十軍阿父分明見
又向行間錄義兒

國家金德旺西方
玉璽膺天祚永昌
賀表詰朝齊勸進
武成天子是新皇

紙創含血事猶新
總攬英雄世幾人
寇盜未平邪說起
畫紅樓上弔功臣

閩州高豎紀功碑
翠驛雙旌節使馳
一握宮娥彈淚別
大安樓下賜新

詩

遂王名字隱銅牌馬上毬場密弩排一自城西誅道襲梓潼祠下鎖荒
糴

印文入蜀未多時麥秀風中唱兩歧翻出大梁新樂府殿前檻縷滿貧
兒

巨靈夜半挾雷風江堰催成一夕中詰曉百官齊入賀震蒙祠下酌神
功

功德龍興紀斷碑西平旗幟寫生祠金魚宣賜延祥院若箇蘭溪老畫
師

登樓檻蹠笑行人軍府光揚麗服新百姓纔收危腦帽君王頭上著尖
巾

興義樓前飯萬僧佛牙當日出三乘如何瑞應披圖後又見文州進白
鷹

百兩黃金託相公鬪雞猶聽夾城中君王纔別崇賢府二十佳人納後
宮

一幅彤霞百韻裁金泥描印鳳凰臺內廷別撰煙花集豔曲飄零老善
才

霞光劈紙寫新詩百首張蠟絕妙辭內殿傳宣催侍宴伶官爭唱聖琉
璃

祇神萬騎下梁州清警邊風捲翠旂圖畫嘉陵三百里錦屏山下泊龍
舟

古洞千年闢焰陽彗星輿鬼徹妖芒宮中吹得山棚倒明月天師啟道

場

苑中然燭宴重陽合座宮嬪盡捧觴唱到月華如水曲幾回流淚恨嘉

王

翠蓋清晨下九重華嚴閣上覲眞容元元皇帝唐天子虛枉官家動六

龍

禍兆靈籤識有殃旗杆風緊掣貪狼八龍未過漫天嶺羽檄先看報魏

王

禹卿叩馬淚爛斑煬帝龍舟去不還蜀土未成興聖觀東兵先已度秦

關

柳枝纔唱舊春風水漫樓臺事業空丹禁夜涼明月改藕塘清露泣香

紅

會昌樓殿曉冥濛
樹上啼鶯廢苑東
一院牡丹紅不見
御書猶罩絳紗籠

彩仗寒煙驛畔樓
黃雲天半聽鳴騶
不緣此去朝金闕
好結茆廬劍閣頭

王 天迴玉壘舊家鄉
贏得繁華夢一場
他日陵前呼麥飯
九原應悔殺降王

後蜀雜事詩

萬乘親臨執皂旗
雞蹤橋下合全師
漢州未下先鋒破
快意句龍賀捷詩

西山八國統荒遐
冊寶迎門受正衙
紫綬未除黃服改
藩臣今作帝王家

重光新殿起高空壁上籠綃字褪紅七十幅屏連內寢大家今夕駐幃
宮

十萬金錢賜教坊上元初放綠燈光露臺花月涼如水舞妓深看李艷
孃

斗米三緡事浪傳芋魁爭說產林邊閩州一絹纔充貢又下秦中鑄鐵
錢

穰芳宣賜立春時異果園林到處宜內苑名花栽未遍青城山上貢紅
梔

太華親寵貯離宮六扇泥窗錦地紅內殿一聲康老子君王不識艷詞
工

雪香扇子簇時新花藥翩翩解顰池上納涼攜素手小詞催製玉樓

春

日午廚船貼水開銀鱗宣索又頻催紫衣宮使教籠鴨人報張仙挾彈
來

芙蓉帳子綴流蘇刻鉢沉香捧御鑪今夜池頭催侍駕珠璣拋唾水晶
壺

張妃殂逝玉鸞迴金簡長生度劫灰今日白楊黃土地宣華不見舊樓
臺

梅龍新種合江頭樹杪芳華百尺樓內地賞花排盛宴銀笙先炙按梁
州

趙家別墅甃池新魚躍花陰罨釣綸莫問崇勳園舊事錦筵圖畫采蓮
人

黃花歸騎塞中途大散關頭萬馬趨鐵斧繡衣爭斫敵紅旗新刺破柴
都

一夢羅巾藻思鮮掌中制草絕堪傳歐陽殿裏曾吹笛虛擬香山五十
篇

香壁消融五十團青山綠水未全看畫圖欲記江南事滿幅秋光寫伯
鸞

錦衾裝就不成眠金闌牙牀位置偏抱出左宮青玉枕官家今夜夢游
仙

長春佳節賀成都四十龍飛擁霸圖界出紅蠻新隔子君王御筆寫桃
符

全家萬里去朝天白馬千官更執鞭痛哭國人懷舊德蜀王灘下送歸

船

紫貂全隊出西京一片降旗豎錦城纔過二江收涕淚嘉州祠下拜花

卿

數聲蟬唱欲銷魂庭下丁香結淚痕燕子不知人世改斜陽飛傍蜀宮

門

百首詩辭手跡陳嬋娟依舊汴宮春昌陵明聖原從諫誰信彎弓射美

人

朝天高髻出宮嬪灑渡舟中乞後身畢竟聖朝優禮數秦川驛路更何

人

說經堂詩草終